

قناة المحور | ريهام السهلي | 2102-3-52 | الشيخ حازم صلاح

أبو اسماعيل

حازم صلاح أبو اسماعيل

ضيبي الان هو السيد حازم صلاح ابو اسماعيل مرشح رئاسة الجمهورية. النهاردة عنوان فقرتنا الشعب يختار الرئيس ومن النهاردة المرشحين اللي هيظهروا معي هيكون شكل الفقرة زي ما هتشوفوا دلوقتي شكل مختلف هيكون معنا ممثلين داخل الاستوديو عن فئات مختلفة وتيارات فكرية مختلفة من الشعب المصري. آآ على - [00:00:00](#)

حسب ما يسمح الوقت طبعاً. آآ هيكونوا موجودين لطرح اسئلتهم وكل ما يشغل بالهم على المرشحين الموجودين زي ما هم موجودين النهارده مع السيد حازم صلاح ابو اسماعيل بس كده ولكن الشعب زي ما قلت لكم من شوية هو من خلال ايضاً حضراتكم من خلال اسئلتكم على الفيسبوك على الصفحة اللي هتكون موجودة على الشاشة بعد شوية - [00:00:30](#) وكل شوية هنعطها على الشاشة علشان تبتعوا اسئلتكم ونسأل ما هو غير مكرر. يعني السؤال اللي اتسأل في الاستوديو اكيد مش هاخده تاني من الفيسبوك. لكن هنسأل الاسئلة اللي ما اتسألنش - [00:00:50](#)

وايضا من خلال اتصالات عشوائية على الهاتف على التليفون. والحقيقة انه ضيفي النهاردة لما عرضنا عليه هذا الامر قبل يعني بترحاب شديد انا بالتالي بشكره وبجيه على ذلك. السيد حازم صلاح ابو اسماعيل مرشح رئاسة الجمهورية اهلا بحضرتك. اهلا وسهلا وشكراً لحضرتك شرفتنا. وايضا - [00:01:00](#)

برحب باول مجموعة من ضيوفي الموجودين لطرح اسئلتهم على حضرتك. الاستاذ بيشوي تمرى عضو المكتب السياسي باتحاد شباب ماسبيرو اهلا بك استاذ بيشوي. اهلا بحضرتك. اهلا بحضرتك والاستاذ منير بشير المحامى ورئيس مجلس ادارة الجمعية المصرية النوبية للمحامين. اهلا بك استاذ منير - [00:01:20](#)

والاستاذ الدكتور جمال شعبان استاذ القلب ونائب مدير معهد القلب. اهلا بك دكتور جمال. اهلا بك. اهلا بحضرتك. احنا يعني بعد ازناك يا سيد حازم بعد ازناك هيبقى معي اسئلة سواء انا معي عدد من الاسئلة اسئلة من ضيوفي واسئلة زي ما قلنا من الفيسبوك من خلال الاتصالات. شكراً لحضرتك - [00:01:40](#)

بيتهيا لي كده انه انه حضرتك اكيد يعني مؤخرًا اصبحت اكثر تفاؤلاً بعد مم اعلان عدد من كبار الدعاة في مصر عن تأييد لحضرتك امسال مسلاً الشيخ حسان وغيره ولا ايه؟ لا شك ان ده شيء يسعدني. لا شك في ذلك يعني. هم. كنت سمعت اه مم احد - [00:02:00](#) الدعاة بيقول يعني في فيديو موجود على اليوتيوب بيقول انه آآ من لا يصوت للاستاذ حازم صلاح ابو اسماعيل هو خارج عن الدين والشريعة هل تتفق مع الرأي ده ولا لا - [00:02:20](#)

انا طبعاً ما سمعتش النص ده لكن اه انا عايز اقرب لحضرتك الصورة لو فيه اتنين مرشحين بنفس المنهج اللي ينتمي لنفس المنهج اللي انا بعلنه مسلاً كان هيبقى هذا الداعية اللي اتكلم هيقول انه الاتنين دول تتحقق فيهم الشروط. هم. فلو متقدم ثلاثة هيقول انه الثلاثة - [00:02:33](#)

دول لو اربعة هيبقى اربعة دول ويبقى من لا يؤمن بهذا البرنامج هو اللي هو بيهاجمه. ده اللي احنا بنقول عليه ان الانتخابات انتخابات برامج انتخابات ان كل واحد بيقدم برنامجه الانتخابي. فهو شايف ان البرنامج اللي ضد الشريعة غير البرنامج اللي مع الشريعة وانه لا يجوز - [00:02:57](#)

التصويت للبرنامج اللي ضد فده الحقيقة من حيث الثقافة السياسية هو السائد ان الانتخابات يجب ان تكون برامج وليس اشخاص. لكن هذا الرأي لا تتفق معه ولا تتفق يا استاز؟ ما هو انا بقول لحضرتك هو ما يقصدش شخص حازم ابو اسماعيل. هو يقصد المنهج ده. فلو المنهج ده متحقق في ناس تانيين اه - [00:03:17](#)

معاه انه يقول والله اللي برنامجه ما فيهوش كذا ما ينفعش اللي هو ايه؟ اللي هو مسلا الشريعة الاسلامية يعني لو على حسب نقل حضرتك خبر وهو بيتكلم عن انه اللي ما يديش صوته للشخص اللي اللي بيحمل منهج الاسلام او اللي مش ضد الاسلام يبقى -

[00:03:37](#)

غلطان. مم. ده بيتكلم عن برامج. مم. وهو تصادف انه بيتكلم عن معركة انتخابية فيها شخص واحد هو من وجهة نظره شايف ان هو بيحمد الله فبيتكلم عن برنامجه. مم. انما لو تصورنا حضرتك ان فيه اربعة مرشحين بنفس البرنامج ده هو كان هيقول كده. هيقولوا انتم قدامكم اربعة اختاروا منهم وما ينفعش تختاروا حد مضاد. مم. فهي - [00:03:57](#)

الصورة محتاجة ان الناس يعني يفهموا بعض يمكن هو يبقى اوضح شوية ان انا بقول كده عشان البرنامج مش عشان الشخص والناس تفهم ان المسألة مسألة برامج مش مسألة اشخاص. تمام انا انا عايزة اسأل حضرتك بس سؤال بعد ازناك قبل ما نبدأ نسمع بقى اسئلة ضيوف خارج السياق يمكن لكن انا انا حاسة ان حضرتك لما بشوفك دايم يا - [00:04:17](#)

يا استاز حازم باحس انه حضرتك واسق جدا في نفسك. سبب السقفة دي آآ ايه؟ هل يعني هل حضرتك واسق من النجاح لهذه الدرجة؟ لا فيه فرق بين النجاح والثقة في الفكر. انا شخص بقى لي مسلا اربعين سنة بادرش فكري ده. بادرش آآ رقاية. بادرش

[00:04:37](#) عقيدتي -

يبقى ادرس فهمي فبالتالي انا مش واحد مسلا قعد ثلاث اربع سنين يذاكر حاجة لأ ده انا اربعين سنة براجع هل فيه اخطاء هل فيه قصور فوصلت لدرجة من القراءات المستفيضة والمناقشات الطويلة لحد ما وصلت الى الفكرة وبالتالي بقيت مؤمن بها. في ايه؟ يعني يعني ايه الفكرة اللي حضرتك بقى لك اربعين سنة - [00:04:57](#)

الفكر الاسلامي والقانون ايوه بالزبط كده في كل حاجة يعني مسلا على سبيل المسال لما كان في مسلا عبدالناصر ماسك الاقتصاد الاشتراكي والسادات مسك الاقتصاد السوق في بدايته الانفتاح التحول ده بالنسبة لواحد زي ما خدتوش سطحيا زاكرت الاقتصاد الاشتراكي ده ايه فوائده ايه عيوبه اقتصاد السوق ايه فوائده ايه عيوبه وقعت ازاكر - [00:05:18](#)

واسمع واقابل وادرش لحد ما وصلت لرؤية انا انا شايفها. فبقيت واثق منها. برضو لما حصل كنا نظام الحزب الواحد بقينا تعدد الاحزاب. رحت جبت المراجع العالمية حتى عن الدول اللي فيها الحزب الواحد والدول اللي فيها تعدد الاحزاب. وقدم الاحزاب وبناء على ايه؟ وقعت ازاكر - [00:05:45](#)

فاكر ايهما افضل لحد ما وصلت لدرجة من الثقة. النظام الرئاسي والبرلماني. مم. مش انا زاكرته دلوقتي لما مطروح الدستور الجديد لأ ده كلام قديم من واحد وتمانين وانا درست قعدت يجي سنة ونص ثلاثين ازاكر النزام الرئاسي والنزام البرلماني الى ان وصلت الى رؤية واضحة - [00:06:05](#)

وهي انه ايه الافضل؟ انا لا شك ان انا اري انه في الظروف الحالية لمصر النظام البرلماني مؤامرة علشان يفضل في تنازع بين جهات كتيرة لسه ما فيش احزاب واسقة من نفسها. ما فيش احزاب قديمة ما فيش اغليبات. يبقى عايز ثلاثين زائد ستين زائد تسعين يعملوا حكومة بالعافية متلصقة - [00:06:25](#)

مم. يوم عند اول ازمة تسقط فلازم في فترة من استقرار الحكم. مم. عشان كده الثقة دي بتيجي الحقيقة نتيجة طول الممارسة سواء حتى في العمل حتى اداريا حتى وانا زي ما حضرتك تعرفي رجل قانون ومحامي زميل استازي الكريم فبالتالي الحقيقة - [00:06:45](#)

يعني القضايا كلها عبارة عن درس وبحث وكنت لما اقف مترافع قدام محكمة النقض. فالمسألة مش سقفة في النفس بقدر ما هي آآ حصيلة ثقافية تعبت فيها وفي انشائها. تمام. طيب اسمح لي بقى نبدأ نسمع اسئلة ضيوفنا. وهبدأ بحضرتك استاز بيشوي. ايه السؤال اللي تحب تطرحه على - [00:07:05](#)

السيد حازم صلاح ابو اسماعيل. طيب هو انا في البداية آآ برحب بحضرتك وسهلا. آآ الافكار او او المناقشات سواء انتقاد او تأييد هي لها علاقة بالافكار وليس لها علاقة بشخص حضرتك - [00:07:25](#)

آآ علشان كمان محبيك آآ خليني ابدأ آآ ان اراد ان اراد ربنا يعني ان شاء الله وبقيت رئيس للجمهورية اه احنا عندنا نقطة لها علاقة بالشفافية. اه من الرؤساء او او حتى المسؤولين في البلد الزمة المالية - [00:07:38](#)

آآ هل ستقدم للشعب الزمة المالية آآ لحضرتك؟ خصوصا انه احنا والد حضرتك وهو آآ سياسي في اه قديم كان في حزب الوفد. وكان اه قيادي في الاخوان المسلمين. وشفنا من السجلات اللي كانت ما بينه وما بين فرج فودة حوالين اه اه تجارة - [00:07:57](#)
هل هناك آآ نية عند حضرتك انك تقدم آآ زمة مالية عما تملك قبل الوصول ده الشق الاول في السؤال الشق الثاني حوالين هل اه اه وصولك للرئاسة. بصفتك مرشح اسلامي. ما هي اول تلت قرارات حضرتك سوف تأخذهم بناء على خلفيتك الاسلامية - [00:08:17](#)
تمام شكرا يا استاز بيشوي. افضل يا استاز حازم الذمة المائية. الذمة المالية ده مش اختيار ده قانون. القانون يلزم المتقدم للترشح انه يقدم ذمته المالية قبل اصلا ما يصبح مرشح. فده لابد حتم لازم. تقول انا عندي اطيان زراعية - [00:08:40](#)
هي قد ايه عندي اه عقارات قد ايه عندي فلوس شايلة قد ايه؟ عندي مشغولات زهبية قد ايه عندي سيارات قد ايه؟ ده قانون. وبالتالي لا انه ما يتقالش لازم يتقال. تمام. آآ لم تحدث اي سجالات بين والدي عليه رحمة الله وبين آآ فرج فودة حوالين آآ تجارة -

[00:09:01](#)

العملة خالص دي معلومة لم تحدث. ده انا قاريها. انا انا فرج فودة في كتابه قبل السقوط بعد دخول حزب آآ الوفد لا لا على كل حال كويس ان حضرتك ذكرت المصدر علشان اللي سامعين يجيبوا الكتاب فيلاقوا ما فيهوش - [00:09:21](#)
يعرفوا ان انا كلامي هو اللي صح. اه اه بيحيبوه طبعاً. اه. فانا اذا ايه ما حصلش كده خالص. كويس؟ اه. لكن اللي حصل انه كان في آآ ساعتها آآ والدي وقف ضد رئيس الجمهورية وضد آآ وزير الداخلية. وزير الداخلية راح مجلس الشعب وقال حازم صلاح او اسماعيل -

[00:09:41](#)

يهاجم رئيس الجمهورية وده الكلام ده كان في سنة تسعة وثمانين وآآ الشيخ صلاح ابو اسماعيل ايضاً يهاجم طبعاً هو الاصل يعني وانا آآ كده يهاجم رئيس الجمهورية هو ينتقده في كذا وكذا وكذا. وبناء على هذا - [00:10:06](#)
آآ طرح هذا الاتهام اللي حضرتك بتذكره. بالمناسبة دي هم كانوا اذاعوا قريب مكالمة. المكالمة دي مش هي هو في مكالمة اخرى. بس مكالمة الكلمة اللي اذيعت دي كلها متفبركة مش هي الحقيقية المكالمة الثانية التي اذيعت ليس فيها الكلام في مجلس الشعب. اه اللي اذيعت في مجلس الشعب كانت - [00:10:21](#)

كانت هي الحقيقية انما اللي اذيعت الايام دي دي مش صحيحة ولزلك بالمقارنة يتضح الوضع بالزبط. مم. فاللي حاصل انه لما وزير الداخلية بقى هو اللي قال كده. ما هو ما لقاش حاجة. هو ساعتها بالمناسبة دي واسرك بالحكاية دي. راجعوا ملفاتنا الضريبية. ملف النادي - [00:10:41](#)

ملف الجامعة كسروا على العربيات علشان يشوفوا الورق اللي موجود فيها. فتشوا في كل صغيرة وكبيرة فلم يجدوا شيئا فوزير الداخلية قال المعلومة اللي حضرتك بتقولها دي والدي الله يرحمه وقف قال انا اتهمك ايها الوزير الكذاب واتحدى - [00:11:01](#)
ولذلك لم يعرض هذا الكلام على اي انا انا علشان الوقت هو كان السؤال هدفه انه حضرتك قلت القانون طبعاً بيلزمني بذلك تقديم آآ الذمة المالية او تقرير ذمة مالية. اول تلت قرارات ستأخذها هو قال ان بصفتك ورشتك. بصفة حضرتك - [00:11:21](#)
مرشح ذو خلفية اسلامية. اول تلت قرارات هو طبعاً القرارات بتبقى حزمة يعني توجهات لكن انا علشان آآ آآ جمال السؤال انت عايزه قرارات بقول لحضرتك انا عندي اول بند هو كل ما يتعلق - [00:11:42](#)

كرامة انسان انسان يتعرض لاهانة في كرامته او ضغط عليه او عدم حريات له ده رقم واحد لابد ان يزول ويرجع ما هو انا بقول لحضرتك اهو بس آآ لا يعني انا انا مدرك - [00:12:01](#)
طبعاً وانا سمعت ده من حضرتك بس انا اقصد انه هل هيكون قرار تشريعي بحفز الحريات والكرامة؟ لأ التشريعي ده مجلس شعب

لكن انا استطيع ان اقدم مشروع قانون كاقترح لمجلس الشعب. تمام. تمام. ده ممكن دي سلطات رئيس الجمهورية. مم. انما في

حاجات لا تحتاج احيانا لقوانين زي مسلا ان كمين الشرطة - [00:12:19](#)

يمر عليه الناس العاديين فيمشوا عادي انما الشباب هم اللي يتهزأوا او يتبهدلوا او يتفتشوا زيادة او كده. فيشعر الشاب دايم ان هو

كسير. لا انا لا اقبل هذا الكلام على - [00:12:39](#)

الشباب انه يطلع حاسس ان هو فايت خايف في الشارع كده. الجانب الثاني اللي هو الخاص ان في ناس كرامتهم نتيجة المعايش زي

مسلا معوقين في مصر. المعوق في مصر بياخد نسبة من الوزائف زي ما يكون - [00:12:49](#)

ان هو عالة على الاصحاء. لأ المعوق له حق على الدولة ان هو تعليمه يوصل لدرجة انه يؤهل لسوق العمل مش يبقى لانه معوق نفقاته

على قرابيه ولا على جيرانه بالصدقات لأ الدولة مكلفة تكفل تعليمه بالكامل وتكفل تشغيله - [00:13:08](#)

لانه دي مكلفة يطلع نسبة قليلة كثيرة لأ. تمام. فالقرارات الخاصة بالكرامة ايضا بالناحية المعيشية دي الحقيقة هي بالسجناء

المزولمين اي انسان بالمحاييل للمحاكمات عسكرية. الاشياء دي ممكن بقرارات بسيطة انما تشريعيا يقدم لها. تمام. هناك الجهات

المختصة من - [00:13:28](#)

التشريعية. انا هطلب من حضراتكم انه بس الاسئلة تكون يعني مختصرة وواضحة والاجابات مختصرة ايضا بعد ازك عشان نلحق يا

استاز حازم. اتفضل يا استاز منير آا انا بحبيك على هذا اللقاء ان شاء الله. انا في سؤال آا محير آا اهالي النوبة على الاخص يعني.

واحنا بنعتبر - [00:13:51](#)

هو جزء من هذا الوطن لا يتجزأ زي ما بنقول. آا اهالي النوبة حتى الان انا شايف ان كل مرشحين الرئاسة آا بيقلوا ان النوبة في

عيونا. وان احنا بمجرد ما هبقى رئيس جمهورية حد للنوبة حقوق. ولكن انا ما فيش حد قال لي رؤية واضحة. يعني النوبة هتاخذ

حقوقها ازاي - [00:14:12](#)

احنا طالبين مسلا اعادة توطين النوبيين على ضفاف البحيرة مسلا. واعادة سقافتهم وحضارتهم وكده. ما فيش رؤية من مرشح

رئاسي قال لي كيفية هذا يعني هيتم ازاي؟ ازاي يعني عاوز الاجابة تبقى يعني محددة ومطمئنة. يعني فاهم حضرتك؟ يعني احنا

همشنا في ميت سنة - [00:14:32](#)

لحد امبارح ومشنا من اللجنة التأسيسية بتاعة الدستور. فاحنا المخاوف زادت من امبارح ابتدت المخاوف تعود. ولكن احنا قلنا بعد

السورة يعني الموضوع مش هنبقى مهمشين تمام. فاتمنى يعني نكون انا عاتب عليكم اوي ان اللقاء بتاع امبارح او اول امبارح ده لم

تصلني الدعوة آا انا عارف ان انتم - [00:14:52](#)

لكن لم تصلني فانا تألمت جدا وارجو التدقيق في توصيل الدعوة بعد كده الله يخليك عشان انا مرشحي الرئاسة. اه لشخص ما او

حاجة زي كده يعني زعلت الحقيقة تألمت جدا من هذا. تمام. شف سيدي اولاً بالعكس - [00:15:12](#)

بس انا اوضحت اولاً انا لا اجامل اهل النوبة وانما ده حقهم دلهم دي تعتبر امة ولها قيم معينة كانت تعزز بها وكان في وقت من

الاوقات كان يقول لك ان انا لا يخرج - [00:15:32](#)

من عندي واحد يكذب في كلمة ولا يخرج من عندي لص يسرق. وعندنا نسبة الامان مية في المية. الكلام ده انا مش بزكره الان في

اسماء ما انا مرشح الرئاسة - [00:15:45](#)

كان لي محاضرات ايام ما كنت بتكلم المحاضرة اسبوعية ثقافية لمدة اتناشر سنة تكلمت عن اهل النوبة كلام مستفيض وعن حقوقهم

وعن ليه عصف بهم؟ ودلوقتي في البرنامج الانتخابي لو حضرتك رجعت له هتلاقيني اديت رؤية مبلورة ومحددة. انه النوبة -

[00:15:55](#)

يعني جمع ثقافي مرة تانية عشان تقدر تمارس ثقافتها وتقدر تعلم لغتها وتقدر تحيي اعراقها وما الى ذلك. بس كمان انا عشان ما

اجاملش اهل النوبة انا ما ذكرتش ده للنوبة بس. انا قلت ان كل الفئات فيه عدة فئات في المجتمع حتى تعيينها في الاجهزة الحساسة

ممنوع عليها - [00:16:15](#)

اهل سيناء عندهم مشكلة. اهل مطروح عندهم مشكلة. اهل الصحراء الغربية اللي بيتقال لهم انتم او قبائل اولاد علي اقرب لليبيا والقزافي عندهم اللي على الحدود لهم مشكلة. الناس دول كلهم بيخرجوهم من النسيح العام للوطن. عشان كده انا لما تكلمت -
[00:16:36](#)

في برنامجي الانتخابي انا كل اللي بعمله دلوقتي ان انا بقول لحضرتك لو سمحت اقراه او شفاه قلت انه اهل النوبة لهم ثقافتهم وعاداتهم والدهم ولغتهم الى جانب ان لهم ارضهم اللي هجروا منها. هم يقعدوا يختاروا يا جماعة الواقع دلوقتي كده. هل الارض دي ترجعوا لها - [00:16:55](#)

على ضفاف البحيرة ولا بتاخذوا الاماكن البديلة لان كان طرح عليهم فقالوا لا الاماكن البديلة لا. في الحالة دي بياخذوا الاماكن الاصلية لهم انتم مين الجهات الراضة اتضح ان في اربع جهات في جهات امن قومي في جهة الري في جهة الاتار في جهة اربع جهات حكومية - [00:17:15](#)

فطلبت وقلت صراحة ان على هذه الجهات ان تصدر تقارير شفافة وتعلن. مم. احنا رافضين الشيء الفلاني عشان كذا. وان اهل النوبة ويبقى الكلام كله بمنتهى الوضوح. انما كمبدأ لا يمكن التقصير في اعادة حقوق اهل النوبة اليهم. وده مش كلام بقوله - [00:17:35](#)
بمناسبة الترشح للرئاسة الوقتي انا قلته سنة ستة وتمانين مرة وفي القضية اللي كانت في مجلس الدولة سنة الفين اتنين الفين وتلاتة حاجة زي كده مرة ومسجل في مذكرات دفاع وكلامي واضح ولم يتغير. تمام طيب دكتور جمال نشوف سؤال حضرتك اتفضل. اهلا بك الاول يا اهلا وسهلا - [00:17:55](#)

اهلا بك. واحمد ابني من الناس اللي بيتداوموا معك في اسد ام الفرات. انا باختلاف معك فكريا في حاجات كتير وبرضو عايز صدرك يبقى رهب في الحوار معي. في حد يختلف مع - [00:18:15](#)

ما دي الديموقراطية بقى هي مش منزلة. لكن انا كنت ببص في العهد السابق كان الملف الصحي بتاع الرئيس المخلوع ده من التابوهات من المحرمات اللي يبجي يتكلم عنه يتحكم عليه سنة سجن مسلا لما ابراهيم عيسى اتكلم كانت قصة كبيرة جدا ازاي تقول ان هو عيان ازاي تقول - [00:18:25](#)

جرى له حاجة. دي اول حاجة. فالملف الصحي بتاع الرئيسي اللي هو المرشح او الرئيس القادم عايز يكون آآ متاح ومكشوف بكل تفاصيله. اسرة بالبلاد دي اول حاجة. تاني حاجة احنا الصحية للمرشح لا انا بس عايز حرف - [00:18:45](#)

الحالة الصحية للمرشح ولو الرئيس المانيا وامريكا ولا هيتعالج في مصر. تمام. ان هو سفره لالمانيا وامريكا معناه شهادة معالي الوزير اللي عندك هيسافر برده يتعالج بره ولا هيتعالج هنا؟ برافو. ويصرف مليون جنيه في في عملية رمد بتتعمل بالفين جنيه هنا. اه. دي حاجة مهمة. الحاجة الثانية بقى في بس اجابو على الاولانية - [00:19:05](#)

لا معلىش بس عشان ايه. اه. انا جيت في الاخر فهاخد بقى حقي في الكلام. اه عشان الوقت. اتفضل. المنزومة الصحية في مصر. اصل دي اهم حاجة. اتفضل. يعني هو بلد بدون صحة - [00:19:25](#)

المصطفى وحضرتك بتتبنى الشعار الاسلامي قال من امسى معافا في بدنه امنا في سره عنده قوت يومه. جعل المعافاة في البدن او الامن الصحي قرين للامن الاجتماعي او البدني وقبل القوت اليوم قبل اللقمة. تمام. الامن الصحي. آآ تصورك عن الصحة في مصر بلد مهترئة صحيا - [00:19:35](#)

آآ اكبر نسبة سكر في العالم العربي او الناس في السمنة. آآ ضغط الدم ربع المصريين عندهم ضغط الدم عالي يا دكتور جمال. استني بس يا استازة ريهام عشان اشرح المقدمة المهترئة. عندك اطباء في منتهى الجمال عندك فيه لكن مش متاحة لكل الناس. فيه مستشفيات سبع نجوم - [00:19:55](#)

الناس ما بتوصلهاش. تصورك عن المنزومة الصحية تمشي. تمام. وقانون التأمين الصحي هتوفر له ازاي موارد واحنا. تمام. موازنة اه نقسم الاسئلة ارجوك. طيب. الحالة الصحية. بس دي اهم حاجة في الحلقة - [00:20:15](#)

عايزة تعيش صحيحة. صحيح. على نفسها. طيب اولاه انتم يا دكتور اللي علمتونا الثقافة وانتم في مصر الصحية وانتم اللي

مكلفين انتم بقيتكم تقولوا للناس ان اسرار المريض دي من اسرار المهنة التي لا يجوز افشاءها - [00:20:35](#)

تعلم المجتمع المصري على الاقل والعهد والعالمي ايضا انه المريض ليس مكلفا بافشاء اسراره الصحية. ما عدا الشخصيات العامة. لحزة مش قايلين كده. دي موجودة في النقابة لأ. اللي هي صحتها تتأسر بها. يا دكتور. اه. لأ ما عدا الشخصيات العامة. موجودة. في ميثاق الشخصيات العامة - [00:20:59](#)

لازم تبقى مكشوفة. حتى اوباما عندنا ورم قد كده. يا بيه. ده درسوه حللوه. مش هينفع اتفضل. اتفضل. حضرتك عندكم مادة بتقول انه الطبيب من حقه افشاء اسرار الشخصيات العامة؟ الشخصية العامة تقدر تعمل الملف الصحي بتاعها - [00:21:22](#)
لابد ان يتاح الاطباء يعني هيجي لي مسلا آ رئيس انا كده الواد هيسرقنا ارجوك. ماشي. قال لك اه موجود. اتفضل يا استاز حازم. طبيب يعني موجود اذا ان فيه كده على كل حال - [00:21:42](#)

انا رؤيتي الشخصية. اه ان المرشح لرئاسة الجمهورية شأن الثقافة العالمية كلها. زي ما بيحصل في امريكا وفي اوروبا وفي اسيا وفي كل مكان له طريقة هي الطريقة اللي تطبق في مصر. احنا مش هنعمل حاجة جديدة. طبيب كويس قوي. كويس؟ اه. وبالتالي المسألة ممكن تخضع للجنة صحية بتعطي شهادة لياقة - [00:22:02](#)

لكنها ليست لا تكون مطروحة للعلن. دا وجهة نظري من حيث التوسط في الثقافة المصرية. مم. ولكن اذا ما قرر غير كده ما فيش مانع خصوصا ان انا بقول كده بدون مصلحة شخصية. انا الحمد لله ما فيش عندي حاجة. تمنع من من اذاعة كل حاجة لان ما فيش - [00:22:25](#)

تمام. يبقى ما فيش مانع في الخارج ولا لأ؟ لأ وشف يا دكتور انا في برنامجي وانا ارجو ما دام ابن حضرتك ببشرنا وموجود ويا ريت حضرتك كمان تبقى موجود. انا - [00:22:45](#)

بوضوح انه رقم واحد برغم ان انا عايز اوصل للمجتمع الفقير لكن رقم واحد فيما ذكرته في المنزومة الصحية ان تتعمل مدينة طبية عالمية في مصر. احنا عندنا اطباء مستواهم هاييل جراحين مستواهم هاييل. جايز اللي ناقص متوسط العام للتمريض. وهذا يجب رفعه ليكون - [00:22:55](#)

زي المستوى العالمي وتتعمل المدينة هنا فتوفر تكاليف السفر للخارج والاقامة في الخارج والعلاج على نفقة الدولة في الخارج وعندنا وتخلي اساتزتنا يشتغلوا فضلا عن انه الاساتزة الخارجين لو عايزين نستقدمهم وده هيعمل سياحة علاجية عربية - [00:23:19](#)
وافريقية واوروبية رائعة كمان في مصر فزكرت هذا على انه من ثوابت البرنامج ورقم واحد فيه. الشيء الثاني لما احب اسيب الناحية العالية وامسك في النواحي الفقيرة انا ذكرت في البرنامج وارجو ان حضرتك لو تكرمت ضروري ترجع له وتقول لي رأيك فيه - [00:23:39](#)

ان النظام الطفرة من العلاج المجاني الى العلاج الاستثماري فورا هو ده اللي عامل المصيبة. بالظبط. وان الحكومة عليها انها تعمل نظام وده البرنامج اللي انا بطرحه نظام الشرائح العلاجية. هم. هنا مجاني. هنا ادفع عشرة في المية والحكومة تتكلف تسعين في المية. هنا ادفع اربعين في المية - [00:23:56](#)

الحكومة ستين هنا زي نظم العلاج في النقابات. مم. نقابة الاطباء والمهندسين والمحامين فالواحد يقول ايه طب ما انا لما ادفع متين جنيه انا اقدر ادفع متين جنيه وتعالج علاج كريم هيفضل ده وده يخفف عن العلاج المجاني في رفع مستوى العلاج المجاني لانه يبقى للناس اللي عايزينه. فانا - [00:24:16](#)

نظام الشرائح العلاجية. وذكرت واضح ان الوقت ضيق انما نظام الوحدة الصحية في القرية وازاي ترتفع ويرتبط مرتب رئيس الوحدة انه يرتفع جدا موازنة الصحة في البرنامج بتاعك كم في المية؟ الايه؟ موازنة الصحة. موازنة الصحة بتاعي شف يا دكتور - [00:24:36](#)

الموازنة شيه واقعي لا تستطيع انك تذكر رقم وانما انت بتنقل فانا انا الوحيد الذي ذكرت مصدر الرقم وقلت انه وزارة الداخلية في مصر ميزانيتها حاليا تساوي ميزانية وزارة الصحة زائد وزارة التعليم صحة الشعب وتعليمه وقلت لو - [00:24:56](#)

اتخذت او نصف مبالغ اللي بتنفق على الامن المركزي في الداخلية ده كفيل بان هو يعمل مساحة تأمين الصحي تكفي للبرنامج اللي انا تفصيلا. فارجو تمام. انا مش عايز اكون تجاوزت الوقت بس ميزانية او منزومة - [00:25:16](#)

الصح ده سؤال ضخم جدا. بالتأكيد طيب خليني اقول لحضرتك سريرا بس سؤالين من الفيسبوك ان في اسئلة كتير وبعد الفاصل نكمل آآ في آآ حسن هادي الاستاذ حسن بيقول هل دفع الاخوان المهندس خيرت الشاطر اذا دفعوا به فعلا ليخوض انتخابات الرئاسة؟ هل ده يقلق حضرتك - [00:25:36](#)

لا لا ما يقلقش ولا حاجة هو طبعا لا شك ان الوضع بعد ما استقر اي شيه طارئ على الوضع المستقر بيثير التساؤل ولكن هو وبرضو اي مرشح جديد هيدخل الحلبة بصفة عامة بيبقى بيبقى له آآ لمصلحة بعض الناس وضد بعض الناس - [00:25:57](#)

فالمسألة بتحسب انتخابيا لا شك اي واحد ان شاء الله يكون مين هيدخل لازم يحسب انتخابيا بناء على كده. فهم ما اعلنوش حاجة زي كده ازن لابد ان يدرس طبعا تدرس المسألة انتخابيا هنعرف ازاي نتنافس يعني. تمام - [00:26:17](#)

سؤال اخر سريع اه مم ما هو ردك على كلام حضرتك انه عبدالناصر كان يعلم بنكسة سبعة وستين قبلها بيقول هام للغاية محمد ايوب. لآ انا ما قلتش انه يعلم مم. بنكسة سبعة وستين. انا قلت ان هو اعلن قبلها باسبوع قرار يعلم انه معناه الحرب. وانه -

[00:26:37](#)

سيبونا نتلقى الضربة الاولى وما تضربوش. وانه لم يخبر قيادة القوات المسلحة المزلومة المسكينة من السلطة السياسية اللي قبلها باسبوع وانه فعلا ضربت المطارات وعلى الارض انما يعني ايه يعلم بالنكسة؟ يعلم بانه بياخذ قرار يغلق المضائق يغلق الممرات يغلق كذا فده هيؤدي الى ان اسرائيل تحارب ده شيه ابجدي - [00:26:57](#)

وكل الناس كاتبينه مش انا بس كل المذكرات السياسيين والعسكريين كلهم مش انا يعني مش انا بقول كده وانت مين ما بيقولوش لآ ده حتى الناصرين يقولون الكلام دي حاجة مش ضده دي حاجة مكتوبة يعني. تمام. الشعب يختار الرئيس مستمر بعد الفاصل مع السيد حازم صلاح ابو اسماعيل المرشح لرئاسة - [00:27:22](#)

وضيوف اخرين انا بشكر حضراتكم جدا شرفتونا. وآآ بعد الفاصل مستنيين ايشا آآ اسئلة حضراتكم. فيه اسئلة كتيرة جدا هاحاول اسأل على قد ما اقدر منها ان شاء الله مع ضيوفنا استنونا. اهلا بكم ندخل في الموضوع على طول واعرفكم بزيوفي علشان يقدرنا يسألوا اكبر قدر من الاسئلة. معي الاستاذ حسام حلمي - [00:27:42](#)

آآ مواطن مصري اهلا بك استاذ حسام. اهلا بحضرتك. اهلا بحضرتك. والدكتور حافز الغندور المستشار المالي وعضو مجلس ادارة البهله البنك الاهلي سابقا. اهلا بك يا دكتور حافز. اهلا. اهلا بحضرتك والاستاذ عمرو صدقي الخبير السياحي ونائب رئيس غرفة شركات السياحة. اهلا بك استاذ عمرو. اهلا وسهلا. اهلا بحضرتك - [00:28:02](#)

حضرتك وانا هبدأ مع واهلا بحضرتك طبعا مرشح رئاسة الجمهورية. اه هبدأ مع استاذ حسام على طول. ايه السؤال اللي عايز تطرحه على الاستاذ حازم؟ استأزن كان عندي عندي سؤال بس هو جابو عليه في الفاصل في الفقرة السابقة. بقى. ببقى سؤال فاستأزن الدكتور حافز لانه سؤال اقتصادي يعني. تلت اموال مصر كل - [00:28:22](#)

انا في الدير الداخلي وفوايده والدين الخارجي وفوايده. حضرتك انت وليت الحكم ان شاء الله هتحل المعضلة دي ازاي؟ تمام ما هي شف فيه جانب يتعلق السياسة العالمية برة الاقتصاد ودي حاجة مش هتسمعها يمكن اجابة غير من عندي انا. الوحيد اللي بقول الكلام ده - [00:28:42](#)

التوازن العالمي لو انت الدين اللي عليك اقل من اللي موجود دلوقتي وعايزين يعملوا لك مشكلة هيعملوا لك مشكلة ولو اكثر من كده وامورك السياسية عالميا هم مش عايزين يعملوا لك مشكلة مش هيعملوا لك مشكلة. ولزلك انت لو بتتكلم من الناحية الاقتصادية هتطلع منين مبالغ - [00:29:06](#)

اعمل بها خدمة الدين سواء الداخلي او حتى الخارجي لان ده مصيبة كبيرة. لا شك انه زيادة نسب الانتاج اللي هي مشروعات الجديدة اللي ممكن تعمل انتاج اكبر ودخل اكبر للبلد مش للحكومة. البلد كدخل قومي عموما هو ده اللي يعمل خدمة. لكن عشان هم

يوافقوا - 00:29:31

وعلى هذه الجدولة دي ارادة عالمية ارادة سياسة عالمية ارادة حديث مع العالم انه هل يقبل هذه الجدولة او لا يقبلها المسألة فرعين فرع اقتصادي اللي هو انك تزيد قدرات الدولة من دخلها القومي من عن طريق الصناعة والزراعة والتجارة وما الى ذلك - 00:29:51 بالعشر مشروعات الموازية اللي انا ذكرتها في البرنامج اللي هي تعمل دخل ازاى للبلد. والفرع الثاني اللي هو التعامل السياسي العالمي عن طريق موازين القوى ان انت كمصر لك قوة في المنطقة. تستخدمها في انه اه انه يحصل صبر اطول على هذه الديون. ازا كنت

بنتكلم عن - 00:30:11

الدين الخارجي تمام ده ده الرد على سؤال الاستاذ حسام وياشكر حضرتك على الاجابة المحددة وعايزة الاسئلة تبقى نفس الشيء بعد ازك دكتور حافظ الغندور افضل سؤال حضرتك هو بس قبل السؤال طبعا احنا بنتمنى التوفيق للاستاذ حازم هو وكافة المرشحين لان في توفيقهم ان شاء الله يعني ربنا يرزقنا - 00:30:31

المرشح اللي يقدر يعني يساعد بلدنا ويساعدنا. فبالتوفيق ان شاء الله. انا خلفيتي زي ما بامن وزيفتي انه بتاع بنكي فانا يعني بصرف النزر بقى عما يقال نقلنا عن حضرتك عن موضوع البنوك ده فنحب كده على الهوا نسمع الرأي - 00:30:53

عشان يعني نقول ل حضرتك بقى خبرتنا المصرفية العملية طبيعة العملية ايه يمكن نقدر نتواصل يعني ما بين ما بين السؤال والاجابة. تمام. يبقى السؤال تحديدا ايه يا دكتور؟ رأي حضرتك رأي حضرتك في البنوك. في البنوك - 00:31:11

خطته في تطوير البنوك في مصر. تمام. اه يعني حضرتك ما سمعتوش قبل كده يعني نقل لي. اه اه بقوائم مختلفة. اه. ارجوك حضرتك ترجع له ضروري. لان هو اه مذكور تفصيلا والحقيقة قلت - 00:31:28

عدة مرات كثير. تفصيلا فين يا استاذ حازم على بالزبط على صفحة الفيسبوك وعلى الموقع وفي البرامج التلفزيونية وفي المؤتمرات تكلمت تفصيلا في بعض اللقاءات كانت مخصصة لتلات لقاءات متتالية. هم. عن نظرتي للسياسة البنكية وللمصارف والمؤسسات المالية. هل النزرة دي موجودة في - 00:31:44

الانتخابي يا استاذ حازم؟ موجودة في البرنامج موجودة كمان يعني مشروحة في تلات محاضرات موجودة على الفيديو متتالية الف وبه وجيم السياسة المصرفية في مصر وفي البنوك بما فيها البنك الاهلي اللي هو له طبيعة نسمع ايضا يعني انا ارى ان هناك - 00:32:04

فارق بين السياسة المصرفية الحقيقية والسياسة المصرفية المختزلة. مختزلة يعني قائمة على فقط انما السياسة البنكية زي ما طبعا حضرتك المفروض اعرف من كده بكثير لان حضرتك دي ده مجالك خبرتك وتخصصك انه البنوك في العالم - 00:32:24

بنوك تقوم باعمال ومشروعات بانتاج بامور فبتستثمر وهذا الاستثمار بيدخل لها عائد والاقراض يبقى جانب اخر اللي هو الائتمان من ضمن الاشياء انما هي نفسها تقوم بمشروعات. كل ما ولزك عدد البنوك - 00:32:44

افلست في امريكا مسلا في عشر سنين كان الف ستة وثمانين بنك في عشر سنين الف ستة وثمانين بنك في القارة الامريكية في عشر سنوات واوروبا ربعمية كزا وثمانين. ليه؟ لانها كانت بتقوم بمشروعات حقيقية تكسب وتخسر. مم. وقصاد اللي خسروا فيه بنوك كثيرة كسبت. ليه - 00:33:04

لانه اشتغلت مشروعات صح. انما عندنا جايز الفلوس اللي تبقى في البنك تقرض للحكومة علشان مسلا تعمل الصرف الصحي او الماية او ويبقى الفرق بين سعر سعر الفائدة في الاقراض وسعر الفائدة في الاقراض هو اللي مسلا ومش عارف هو تأجيل البنوك وتأجيل - 00:33:24

انما الحقيقة انا نظرتي و حضرتك اللي تعمل كده مش انا. يعني يعني رجال البنوك هم اللي يعملوا كده لانه انا قد اكون متبني للفكرة لكن اللي يقوم بها هو يعني انا مش مسلا مش طبيب في القلب. فالصحة يقوم بها رجال الصحة. كذلك البنوك يقوم بها رجال البنوك. انما لازم - 00:33:44

البنك يتحول الى انه بيدخل في مشروعات حقيقية زي البنوك اللي عملت وبدون ما اسميها عشان ما ندخلش في تفاصيل التجربة

اللي عملت تجارب اسكان البنوك اللي عملت تجارب للاسكان وبنيت وكسبت مبالغ طائلة واوقفت تجارب الاسكان لها عمدا مع انها كسبت وكان سبب في - [00:34:04](#)

سفراء البنك من الناحية الربحية. فالحقيقة انا اري انه تحويل البنك من الاقتصار او انه تبقى النسبة الاعزم هي الاقتراض اقراض الى مشروعات الحقيقية هو اللي هيحول البنوك الى مؤسسات وطنية تؤدي دور. مم. اللي يعمل كده هو حضرتك - [00:34:24](#)

تمام. هل الرد ده انا عايز اقول هو فيه نقطة في نقطة محتاجة ايضاح فني مهمة قوي ان هو البنوك يعني البنوك ما تقدرش تعمل مشروعات بس. لانه المشروع ما قلتش بس ابدأ. ما انا حضرتك قلت يبقى الجانب الاكبر مشروعات. ما اه ما قلتش بس ابدأ. هي هي البنوك حضرتك - [00:34:43](#)

علم المصارف ده طبعا علم اجتماعي ويقبل النظريات. النظرية الاعم الاشمل في البنوك هو انها بتقسمها بنوك تجارية وبنوك متخصصة. متخصصة يعني زراعي وصناعي وعقاري واسلامي. خلينا اه. البنوك دي لأ للاسلامي مش متخصصة. انا قلت لحضرتك نزرية من النزرات الاعم. بتقول ان البنك الاسلامي احد البنوك - [00:35:02](#)

المتخصصة بقولها رتلك ليه؟ لان هم بيعرفوا المتخصصة بايه؟ ان هي البنوك اللي لها صيغ معينة في قبول مواردها وفي توزيعها البنك العقاري له صيغ مختلفة. هنختلف شديد. نعم يا فندم. هنا هنختلف اختلاف شديد. ماشي. لانه قد يكون البنك الصناعي والزراعي وبنك الاسكان بنك التسليف - [00:35:22](#)

انا موافق ان دي بنوك متخصصة. لكن البنك الذي يتعامل في المجال الزراعي والمجال الصناعي والمجال الاسكاني والمجال كذا قواعد وضوابط معينة انا في الحقيقة لا اري ان هو اسمه بنك متخصص. وانما بنك له قواعد. والقواعد دي يطبقها على المجالات المتعددة. عشان كده - [00:35:41](#)

انا مش ناوي او يعني وجهة نزري وبرضو حضرتك اللي هتعمل كده مش انا انه انا فعلا مش عايز اقول انه كلمة بس يعني مشروعات بس انا بالعكس انا طارح الصيغ الثلاثة اللي هي الصيغ اللي انا شايف انها الناجح. صيغ المشاركة ان رجل الاعمال والبنك - [00:36:01](#)

وصيغ المضاربة وصيغ المرابحة اللي هي بيطرحها النظام الاسلامي. ففي الحالة دي هيمشي النظام البنكي في كل هذه في المجالس الزراعية والصناعية والتجارية وو لكن بالصيغ دي اللي تعمل نجاح. انما احنا كان عندنا بنك القرية اقراض الفلاح عشان يعمل مشروع - [00:36:21](#)

قعاد فراخ واول ما يستوردوا نفس البنك استورده من هولندا فراخ لما لقوها رخيصة بوزت مشروعات الفلاحين فخرسوا. وقعفوا البنك الخسارة. اه. تمام. يعني يعني عايز اقول ان الصيغ الاخرى عشان ما نخشش بس في المسميات. يعني المرابحة والمشاركة والمضاربة هي نفسها نفس - [00:36:41](#)

الاساليب اللي بييقوم بها البنج الاخرى بس باسامي تانية. انا لما بنقوم بتأسيس مشروع وبنساهم برأس ماله وبنقرضه. احنا بنشارك المشروع. ولو حصل انه تعسر ولا حصل حاجة اعملوا تسوية ولو حصل انه خسر بنسيب له الفلوس. يعني المفاهيم - [00:37:01](#)

قريبة جدا من بعضها. اشكرك. درجة لدرجة يكون ان الخلاف مجرد في التسميات. اشكرك جدا واتمنى بقى هذا الكلام. النقطة اللي حضرتك تقوله ده انا هعتبره رأبي رأس مال لي - [00:37:16](#)

لانه ده من اعظم الشهادات اللي انا ممكن اخرج بها من لقاء زي ده. فعلا اللي مطروح ده مش هيبقى غريب على البنوك مش هيقرب الدنيا. ده طبيعى عشان القائم ولا القائم غريب. اه يعني مش هيحصل - [00:37:28](#)

فجوة وخلاف المسميات يا استاز حازم. مش هو اللي اللي برضو اللي هيطور الموضوع بس انا عايز اقول لك مسال صغير. اه. احنا في الاتصالات بقى عندنا ستين مليون مشترك - [00:37:48](#)

المتعاملين مع البنوك رقم يقل عن نص هذا الرقم فاحنا محتاجين لسه سقافة مصرفية عالية جدا لمصلحة البلد. فيه ناس برة الجهاز المصرفي طول ما فيه دماء برة الاوردة وبرة الشرايين. تمام كلام لو حضرتك راجعت البرنامج ستجده الاعلام ان يخدم - [00:38:04](#)

البنوك عن طريق انه يوصل للناس ازاى يتعاملوا معها. ده من ضمن حازم واعرف منك البرنامج نلاقه فين وازاي ولكن بعد شوية.

الاستاذ عمرو صدقي السياحي اتفضل يا استاذ عمرو سؤال حضرتك. الحقيقة طبعا مجال السياحة احنا سمعنا من حضرتك تعليقات كتير عن مجال السياحة. لكن انا هنا بصدد ان انا آآ - [00:38:28](#)

ان كنت رئيسا للجمهورية ان شاء الله ما هي رؤيتك حول تنمية قطاع السياحة في زل الزروف التي مرهب يمر بها القطاع في الوقت الحالي وخصوصا من ناحية ان صناعة السياحة بقى لها آآ قدر كبير - [00:38:48](#)

في العالم الخارجي آآ ويمكن آآ جزء منها في تعليم النهاردة عندنا سبع كليات رئيسية اتنين وتلاتين معهد بيخرجوا الاف الطلاب اللي منتزرين مستقبل للشباب ان هم يشتغلوا في هذا القطاع. ما نقدرش ننكر ان قطاع السياحة النهاردة يعني زي ما احنا اتعودنا بقى لنا فترة ان هو قاطرة التنمية - [00:39:05](#)

هو آآ صناعة تصديرية تستخدم محليا وربنا حباننا بمقومات كثيرة جدا نقدر ان احنا نستخدمها رؤية حضرتك بوجه عام عن قطاع السياحة. ربنا يبارك لك. اتفضل يا استاذ. آآ اولاً اشكر حضرتك جدا. انا عندي برضو على هتلاقي حضرتك على المش عارف اليوتيوب - [00:39:27](#)

الكلام ده هتلاقي محاضرتين طويلتين بعنوان سياسات السياحة كل محاضرة منهم تكلمت عن نظرتي بالتفصيل للسياحة زعمت فيها ان انا اللي انا بقوله يوصل دخل السياحة في مصر الى تمن اضعاف اعلى دخل وصلته في سنة من السنين - [00:39:47](#) وذكرت ليه المفردات بتاعة ده؟ وارقامه برغم ان انا مش معترف بارقام السياحة الحالية لانه انا يعتبر انها متفبركة الا بنسبة كبيرة وانا عارف ان حضرتك متفق حول هذه النقطة. فبالتالي ذكرت تفصيلا ومما بس عايز اقول ل حضرتك حاجة اخطر كمان وده انا قلته انه - [00:40:10](#)

السياحة في مصر افرض انها قد كده وتساوي عشرة حداشر اتناشر في المية من الدخل القومي لكن في اسبانيا مش قد كده دي ضخمة جدا بس تساوي واحد في المية من دخلهم القومي - [00:40:30](#)

وده معناه انه ده نسبة امن قومي. انه ان اسبانيا مرتفعة جدا سياحيا بس واحد في المية. لان في منزومة صناعية وتجارية. فانا بالظبط الوزن النسبي فده يدي فانا اذكرك مسألة انشاء مدينة كاملة - [00:40:46](#) فرعونية مدينة كاملة نوبية والله نسييت اقول للاخ بتاع النوبة الكلام ده يتبسط به. ومدينة كاملة آآ ريفية مدينة كاملة صحراوية. وذكرت ان البيئات الاربعة دي انا شفت في كندا وفي امريكا وفي هولندا وفي البلاد الاخرى انه خيالهم وحلمهم انه يقيم في الصحراء الليلة - [00:41:03](#)

اللي انتم بتعملوها النهاردة ما شاء الله كرحلة سفاري بالليل في الصحرا هو يتمنى دي هتبقى خدعة طبعا آآ لفظ خدعة مش دقيق لكن خدها على عشان ازود ليالي اسميها خدعة عايز اسميها ان انا عايز اعمل له آآ حاجة تجيب رجله زي ما بنقول بالبلدي. ان هو - [00:41:23](#)

بدل ما يقعد ليلة سياحية او يبجي يشترتر جاي الصبح اخر النهار يقضي ليلة عشان يقضي في الصحراء وذكركت عنصر ايضا له عنصر مشاركة مع واحد اجنبي. ذكرت ان حضرتك ربنا يعني يعينكم بتتبعوا جدا في الترويج للسياحة مسلا في ايطاليا - [00:41:43](#)

و حضرتك عارف ايطاليا ليرة بضرب بها المثل بالزات وفرنسا وفي امريكا وفي روسيا لو وذكركت فكرة ان الشريك السياحي الاجنبي هيمنع قمت تقول لي آآ مواطنيها ما تجوش مصر لانها غير امانة. لانه ساعتها يقدر يقاضيها وانت ما تقدرش تقاضيها. دلوقتي فهبخلي الحكومات الاجنبية تتردد - [00:42:01](#)

مليون مرة قبل ما تحظر رعاياها من المجيء وهتخليه هو اللي يقوم بنفقات الترويج ذكرت حاجات طويلة على مدى ثلاث ساعات عن السياحة. تمام ان رؤيتي في النهاية ان ده يضاعفها الى انا بس عندي حضرتك الخطة اللي حضرتك وضعتها كمدن سياحية هل حضرتك كان - [00:42:21](#)

فيها نوع من الاستشارات لقطاع السياحة بحيس ان احنا نشوف هل يعني قدرة ان فعلا مسل هذه المشاريع انها ممكن تقام الجزء ثاني حضرتك كنت مطلع على جزء الخاص بان احنا بقى لنا فترة طويلة جدا بنجتزب استثمارات اجنبية لهذا الغرض ان احنا بنحط

الاجانب معنا في نفس - 00:42:41

البوتقة بحيس ان هم اكثر ناس في حالات الركود او في حالات التضارب السياسي ان هم بيهم اكثر ناس بيدافعوا عن القطاع

السياحي. ايوة. آآ او الطيران العارض آآ ما هواش الليلة. الطيران العارض هو اللي اسبت لنا ان عندنا - 00:43:01

قصة اقامة السايح خلاه يرتفع الى سبع سبع ليالي. ما كانش بس من سبعة لعشرة حضرتك عارف ان هم مدخلين فيها العراقيين

والليبيين مش الاقامة. مش الاقامة. مش داخلين في احنا عندنا حاجة اسمها السياحة - 00:43:21

العربية مطبوط؟ مطبوط اه. طيب السياحة العربية دي داخله في ضمن الليالي حسابها ولا داخله. لكن هناك فرق بين السياحة العربية والسياحة الاجنبية ولما نيجي نحسب المتوسطات دي عشان كده بقول لحضرتك ان تسعة وعشرة واتناشر ليلة دي ده شاملة

العربية والاجنبية. انا عايز حضرتك نطلع كل فرع - 00:43:41

لوحده علشان ايوة بالزبط كده. لكن عشان نعرف نتكلم منطقيا ان السياحة الفلانية متوسطها كذا ليلة. ونعرف نعالجها. هقول

لسيادتك. اقتصاديات الطيران العارض على الاخص انا مش معترض عليها انا عايزها. بالزبط. انا انا اعترضت عليها انا معترف بيها.

الجزء الثاني اللي ينمي عدد الليالي السياحية هي انماط - 00:44:01

اخرى من السياحة الى جانب السياحة الشاطئية. طبعا اه سياحة الاسار على فكرة هي تمسل خمسة في المية من اجمالي السياحة

العالمية لكن سياحة الشواطى يتمسل ما يقرب من اثنين وتمانين وخمسة وتمانين حضرتك اه انا شاكر جدا انا من ضمن

الحاجات اللي قلتها - 00:44:21

ان فعلا احنا عندنا مناطق سياحية لم يتم تسجيلها اصلا لدى اليونسكو وبالتالي لا بناخد مبالغ اللي المفروض ان احنا ممكن ناخذها

مصر ولا تعمل طفرة سياحية ومجرد تسجيلها يعمل دخل سياحي ضخم جدا. مناطق سياحية عدد المناطق السياحية في استراليا

اللي بقى لها متين سنة - 00:44:43

اكثر من عندنا وفي الاردن اكثر من عندنا. هنا بقى رؤية حضرتك ايه علشان نمي عندنا مناطق لكن احنا بنتكلم على المورد البشري.

تمام. العمالة البشرية. حضرتك رؤيتك ايه في تنمية الموارد البشرية الخاصة بقطاع السياحة؟ وهي دي يمكن وده هيكون الجزء

الاخير اسمح لي يا استاز عمر اتفضل - 00:45:03

اتفضل. اه يعني هي بالعكس ما هو ده قاعده عامة التدريب البشري اللي هو يوجد كوادري التعليم السياحي. وانا زكرت ده

حضرتك ان شاء الله لما يتراجع هتلاقيه - 00:45:23

زكرت التعليم السياحي والتدريب السياحي والتأهيل السياحي. وزكرت ان كل حاجة من الثلاثة لها عمق وتعمل ايه وان تفرق فين عن

فين. وازاي ان بعض معاهد التعليم السياحي ممكن السنيتين الاخرانيين منهم يبقوا ميدانيا يقوم نوفر ازاي نفقة تعليم وكمان نعمل

رسوخ - 00:45:33

تدريب لسوق العمل اكثر. وخطة للتصدير. بالزبط. تصدير العناية. بالزبط. لآ هو حضرتك اللي تعمله كده يا فندم. انا رؤية انما انا مقتنع

بانه اصحاب يعني المتخصصين في المؤسسات هم اللي هيعملوا هو انا اللي هعمل سياحة؟ هو انا هنافس حضرتك في في الفكر ولا

هنافس الدكتور في الفكر؟ لا - 00:45:53

ده انتم اللي هتصنعوا انا مجرد الشخص الذي يرى انه حضرتك كنز للبلد لانك مدرك السياحات. تمام. السياحة وده مدرك السياسات

المالية وده ادرك الصحة انا ما دمت ابني برنامجي على المؤسسة الكاملة والتخصص وان كل شخص يشتغل في مجاله وافتح له

المجال - 00:46:13

وما حاولش ازنق عليه عشان مصلحة خاصة. تمام. كله هينطلق. وهتسيبهم يشتغلوا حسب التخصص. حسب ما يقول تخصصه. ايوة

لازم تحديدا يا دكتور حافز لازم هم اللي يجاوبوا عن اسئلتي. اليات السوق. اه. يعني ايه جاوبوا عن اسئلتك يا دكتور؟ يعني مثلا

النهاردة لو انا - 00:46:33

عايز اتكلم في قطاع السياحة. اه. لازم يطلع تقرير معتمد وينشر ويناقش علشان يبقى كلام واضح فيه العمق واضح فيه انه انه

موزون انه مدروس. يقوم ببقى جابوب على اسئلتى بدراسة. مم. مش مش واحد قاعد بيطلع افكار برضو في البنوك. مم. انا -

[00:46:53](#)

عايز ارفع سعر صرف الجنيه. دي غرفة عمليات يومية. مم. هيعملوا ايه ؟ ما يقوليش افكار ما اقعدش مع الدكتور مع فلان فلان كل واحد يقول لي افكار. لازم لازم يجابوب على اسئلتى اجابة مؤسسية علمية وتنشر ويحاسب عليها. عشان تبقى مؤسسة الدولة هي اللي بتعمل. انما يجي رئيسي جاي باصحابه - [00:47:13](#)

هو اللي جايب افكاره لأ فيه مؤسسات. تمام. واعتقد ان ده ما بقالوش خلاص مجال بعد السورة. انا بشكركم شكرا لحضراتكم اه الاستاذ حسام في سؤال ممكن اتفضل ممكن ناخذ الاجابة بعد الفاصل اتفضل يا استاذ الامن ملف الامن بشكل عام والسلاح فوضى سلاح الساندة بشكل خاص الفاصل رد حضرتك عليه استاذ حازم - [00:47:34](#)

شكرا استاذ حسام حلمي. شكرا للدكتور حافظ الغندور. شكرا لحضرتك يا فندم. شكرا للاستاذ عمرو صدقي. شرفتونا وبعد الفاصل ضيوف اخرين والشعب يختار الرئيس. انا بعترز لحضراتكم في اسئلة كتير جدا على الفيسبوك بس زي ما انتم شايقين الضيوف اللي معنا كمان لهم اسئلة عايزين يطرحوها. هحاول هحاول اطرح من اسئلتكم على الفيسبوك بس طبعا مش هقدر ان انا اسأل كل الاسئلة - [00:47:54](#)

ولكن هحاول ان انا الخصها في كم نقطة. شكرا لكم. بعد الفاصل مكملين مع السيد حازم صلاح ابو اسماعيل مرشح رئاسة الجمهورية. استنونا اهلا بيكم من جديد معايا مرشح رئاسة الجمهورية السيد حازم صلاح ابو اسماعيل وانضم لي ضيوف جدد معي السفير نصر مهدي مساعد وزير - [00:48:14](#)

الخارجية السابق. اهلا بك سيادة السفير. اهلا بك. اهلا بحضرتك. والكاتبة الصحفية بالاهرام الاستاذة جيهان الغرباوي. اهلا بك. اهلا استاذة جيهان. والاستاذ نور الدين محمد عضو اتحاد طلاب كلية الاقتصاد والعلوم السياسية. اهلا بك يا استاذ نور. اهلا بك وعلى طول عشان الوقت آآ سؤال سيادة السفير ايه اللي - [00:48:34](#)

تسأل اخلاص سيادتك لهذا البلد بنتمنى لك التوفيق باذن الله. اشكرك. وان شاء الله لما هذا المنصب الرفيع اللي لم يدعى الشعب المصري لاختيار رئيس له منز خمس تلاف سنة - [00:48:54](#)

هذه لحظة فارقة ان يحصل هذا اه اتمنى ان سيادتك تتيقن ان مصر او كل دولة لها في التاريخ مكان اما مصر التاريخ فيها مكان. الله. تتيقن سيادتك بهذا عشان تبدأ. جميل. تمام. ومن الحاجات اللي يجب ارجو ان سيادة - [00:49:10](#)

تاخذ بالك منها كرئيس ان شاء الله ان دايم اللي عنده رؤية للاسف مش صاحب قرار واللي صاحب قرار ما عندوش رؤية دي من النكبات اللي مم. لحقت بمصر. نعمل فيها ايه بقى دي يا دكتور؟ ده سيادتك الرئيس بقى تتولى سؤال حضرتك ايه؟ سؤال بقى -

[00:49:35](#)

احنا عندنا تنمية سينا وضمان حصتنا في مياه النيل وعودة الفلوس المنهوبة والمهربة الى الخارج دي حاجات محتاجة سياسة خارجية محتاجة خطة محتاجة استخدام قوة مصر الناعمة فسيادتك التلات مشاكل دي. تمام. تمام. كويس. يبقى تنمية سينا هتعمل فيها. شوف حضرتك انا في رأيي بصفة عامة ان وزارة الخارجية - [00:49:58](#)

دي عبارة عن مجمع مؤسسات دي مش الناس فاكرة ان وزارة الخارجية دي يعني واحد دبلوماسي بيعرف يقعد مع حد برة لأ دي مؤسسة في ادارة افريقيا في ادارة الاوروبية - [00:50:29](#)

الوزارة الامريكية لادارة الشؤون الاسرائيلية في ادارة اقتصادية في الادارات دي في بعضها انا متوقع ان هو منع منعنا كاملا وبعضهم قال ان اتسحب الملفات اللي من تحت ايديهم من ضمنها افريقيا ومسألة مياه النيل. مم. وانا ذكرت انه ايام ما كان جمال عبد -

[00:50:45](#)

ناصر بيقال ان له علاقات في افريقيا كانت دي فرصة زهبية ان هو يحول ده انه يعمل اتفاقية لمياه النيل يبقى فيه حقوق قانونية لمصر. انما هو ما عملش وساب حقوق تاريخية وليست - [00:51:05](#)

ولما جت الفترة بتاعة حسني مبارك ومع الاسف في زل وجود بعض وزراء الخارجية توقفت تماما نمو الامور الافريقية فيها فلا شك ان انا شايف ان مسألة منابع النيل قضية اقتصادية في التعاون الدولي بين مصر والبلاد دي. بمعنى ان في بعض البلاد دي - [00:51:18](#) في قالت صراحة لو كنتم عملتوا لنا محطة توليد كهرباء لو مصر زي اللي عملتها في لبنان بناء لخدمة امريكا لما اسرائيل دمرت لبنان في الحرب الاخرانية بتاعة حسن نصر الدين نصر الله والكلام ده - [00:51:38](#)

مصر عملت محطة توليد كهربا في لبنان لو مصر عملت محطة توليد وده مهم اشقاءنا واخواننا ونخدمهم بعينينا انما نبقى قصدي كمان لو كانت عملت محطة توليد الكهرباء دي في بلد من من بلاد منابع النيل في افريقيا. مم. كانت البلد دي ما تعملش - [00:51:53](#) اه. اهلنا مشكلة. هل هتعمل ده حضرتك يا استاز حازم ولا ايه اللي هتعمله مع افريقيا من اجل حل ازمة مهني؟ لازم التنشيط لازم اقدم مصلحة. انا زكرت قبل كده - [00:52:13](#)

ان انا توفرت لمدة سنة ونص تقريبا على دراسة الميزانية الميزانية الاسرائيلية الاثيوبية اسف سنة الفين وثمانية. مم فوجدت ان نسبة التدخل ان الدخل القومي لاثيوبيا اللي جاي عن طريق اسرائيل - [00:52:23](#) ما يخليش اثيوبيا تفكر تزعل اسرائيل ابدأ. مم. ونسبة الدخل المصري او الاثر المصري على الاقتصاد الاثيوبي يكاد يكون صفر فمش ممكن اثيوبيا لا يمكن مستحيل ان اثيوبيا تفضلني على اسرائيل. مم. وبالتالي الفكرة هنا مش سياسة خارجية مش يعني زيارة دبلوماسية ولياقة وتمثيل. لأ - [00:52:41](#)

اشوف انا ازاي اتحول الى صاحب نفوذ يجعل الناحية الاثيوبية والحقيقة انه المتخصصين هم اكثر ناس يعملوا كده سواء الادارة الافريقية او الادارة الاقتصادية انما طول ما اثيوبيا مستغنية عني ومحتاجة اسرائيل لازم اسرائيل هتبقى هي الجانب الاهم بالنسبة لها - [00:53:03](#)

وانا اقدر اؤثر في اسرائيل في الحقيقة وبرضو وزارة الخارجية اللي تقول لي الكلام ده مش انا اللي اقول لها لكن اللي هو انه اسرائيل محتاجة مصر عشان تعرف تصدر - [00:53:23](#)

لافريقيا. مم. لانها ما بتعرفش تصدر الا عن طريق ممرات على شواطئ مصر. مم. ما دام الامر كده انا اقدر استفيد بده لكفالة اشياء كثيرة جدا من ضمنها مياه النيل في تمام. اللي بتجي لي من منابع النيل. تمام. فاذا قضية اقتصادية سياسية مع اسرائيل سياسية تجاه افريقيا - [00:53:33](#)

قضية تقنية اللي هي زي محطات الكهرباء والمشروعات اللي ممكن اعمالها موضوع منظومة وليست سياسة خارجية. يعني اقعد معهم قعدة عرب واحدة وطبعا استاذنا يعلم هذا اكثر مني بكثير انا بس لان انا اللي بتكلم. تمام قال لك الفلوس المنهوبة هتعمل ايه؟ الفلوس المنهوبة - [00:53:53](#)

دي اولاً احنا محنش اولياء على العالم. احنا بنتعامل في زل وضع قانوني متاح وممكن القانونيين بيقولوا ان ده ممكن وبيقولوا ان السبب ان الجهات القضائية المصرية لغاية دلوقتي ما عملتش طلب مزبوط لسه طول السنة اللي فاتت - [00:54:12](#) ابدأ وبالتالي ولزلك السلطة الحالية وطول السنة اللي فاتت متهمه تهمة شنعاء لأ خليني انا اقول يعني اكثر من التقصير بانها عامدة. مم. عامدة وان لانه في تخديم وفي من المرشحين ومن الاحزاب وغيره اللي عايز يخدم على الناس بتوع النزاه السابق. وما لم يكن - [00:54:31](#)

الرئيس القادم والحكومي القادم حكم حاسم في انحيازه للشعب. لا يمكن الفلوس دي ترجع. لان دول نسايب دول ومتجوز بنت ده وصاحب ده وفي مصالح مصيبة. فلا شك ان الحكومة المصرية لم تصدر الطلب الصحيح قانونا حتى هذه اللحظة. برغم ان لجنة استرداد الاموال دي ما شاء الله فيها كفاءات - [00:54:53](#)

رائعة انا اعرف امكانياتهم غير كفاءات وزارة الخارجية كمؤسسات اللي حضرتك هتحرص انك تحركه اذا بلا شك بلا شك وانا مش محتاج على فكرة تعرفي حضرتك اللجان السلطات الشعبية اللي بتتصلح مع اثيوبيا وتتصلح مع ايران وتسترد الاموال المنهوبة لان ما فيش رئيس جمهورية ولا حاكم - [00:55:13](#)

يفعل المؤسسات اللي موجودة في البلد. هو لو كلف وزارة الخارجية ووزارة الخارجية وطنية هتشتغل و هتتعرف تعمل ده احسن من الجهات. طيب استازة جيهان سؤال حضرتك الشيخ حازم حضرتك شايف ان انت اسم على مسمى؟ يعني انت شخصية حازمة فعلا؟ خوفني. اه. صحيح يا فندم حضرتك قلت لي اللي عنده رؤية ما عندوش - [00:55:33](#)

قرار واللي عنده قرار ما عندوش رؤية. هم. طب انا كنت فرحان بنفسي ان انا عندي رؤية وعندي قرار. حضرتك ضيقت لي بقى يا استاز حازم. لأ مش هاختر. اه. انا لو - [00:55:53](#)

لم اكن اجمع بين الرؤيا والقرار بيتنا. مم. لانه احنا عندنا بيت شعر جميل جدا بيقول آآ طيب هو بيقول يعني ان الناس حيازة مش عارفين واللي بيعرف ما عندوش القرار. ما عندوش لأ. لازم رؤية ولازم قدرة على اتخاذ القرار. تمام. والرؤية دي ما ينفعش تبقى رؤية انفزها - [00:56:03](#)

ده عيب اوي لو قلت كده دي رؤية اطرحها على جهات الاختصاص تذاكرها. مم. وتطلع مشروع القرار. فيبقى ده مشروع ساهمت فيه المؤسسات وضربت مثل وزارة الخارجية انا لو عايز اعمل حاجة في افريقيا لان انا محتاج افريقيا في الخارجية مسلا عشان اصدر لها - [00:56:32](#)

الاقتصاد فما دام هصدر لافريقيا لازم القرار يطلع من عندهم ومكتوب ومدروس. شايف انك راجل حازم لا ارجو هذا انا ما اقدرش من نفسك انك هتكون رئيس حازم؟ يا رب اكون آآ شديد الدقة والاحكام - [00:56:51](#)

يا رب. طب من فضلك قل لي بحزم شديد هتتعامل ازاى مع الاضرابات وقطع الطرق اللي بيحصل دلوقتي في مصر كل نص ساعة. ما ينفعش اقول لي قل لي هتتصرف ازاى - [00:57:11](#)

اسهل شيه اسهل لو مش حزم. اه. لا يا فندم احنا نضرب الناس لأ. الفكرة كالاتي. لأ تفعيل القانون يعني ازاى قد فعل القانون في مصر تجاه الاضرابات احنا بنفترض ان احنا دلوقتي في مرحلة انتقالية رئيس جمهورية هتعمل ايه في ناس قاطعين الطريق على شريط سكة - [00:57:21](#)

حديد قاطعين الطريق و حضرتك راجل بدقنه اسلامي وتعرف ان الطريق له حقه وان مصالح الناس لها الاولوية وان قطع الطريق دي جريمة وشيه مش يا فاعل الخير ارجوك قل لي يا تامر. شوفي يا استازة دلوقتي انا اتصلت ب حضرتك في التليفون فالتليفون لقيته بيقطع وفيه - [00:57:41](#)

لسانه مش واصل لانك جوة الاستوديو الاستوديو مقفول. فبقول لك اخرجي برة الاستوديو عشان الارسال يبقى كويس واعرف اكلمك الاضرابات هي ان الحقوق الناس لا تشعر بثقة في ان الحكومة معهم حاسة بهم. بتعمل لهم باقصى طاقتها. لو الناس - [00:58:01](#) ما اتقدمتلهمش خدمات كفاية بس شايفين ان الحاكم مموت نفسه عليهم هم اللي هييقوا معه. الاضرابات راجعة لعدم وجود ثقة في السلطة سياسية بمجرد ما ينتخب شخص يشعر الناس انه صادق وانه امين. وانه ما بينامش وهم سهرانين وما بيرتاحش وهم تعبانيين هم - [00:58:19](#)

اللي هييقوا معه وانا محتاجهم معي كظهير شعبي لقوة الرئيس عشان يعرف يعمل. لن يحدث هذا. واللي هيحصل بعد كده هيبقى نسبة ممكن يحصل طبعا لان فيه ناس كمان آآ عندهم مصممين هتبقى نسبة. انما اللي خرجوا بقى في يناير وقبلها وبعدها شعب غضبان - [00:58:40](#)

هم هيحسوا ان حضرتك مموت نفسك عليهم وبالتالي الاضرابات هتقل او متأكد؟ طب اخر سؤال معلش انا صحفية وطماعة في سؤال تاني. اتفضلي. الصفحات معجبين ب حضرتك والمؤيدين ل حضرتك على الفيسبوك آآ يعني الصفحات دي مشتتلة بقى لها ثلاث ايام بقصة بتتكرر. قصة الشيخ حازم اللي طلع من مسجد آآ - [00:59:00](#)

اسد بن الفرات ولقى واحدة عاجزة مشلولة قرى على راسها قرآن فالست آآ وقفت ومشيت فالناس هللت وقالت الله اكبر الله اكبر. الله اكبر. ارجوك قل لي وعلق على ده. كمان يعني في الموبايلات يا القصص - [00:59:20](#)

تنقلنا عند حضرتك لدرجة ان انا اتفائلت قلت للشيخ حازم لو تولى لرئاسة الجمهورية ميزانية وزارة الصحة هتقل اتفضل زعلان قوي

من السؤال ده ما تسيبوا السؤال ده كده عشان الناس يفتكروا ان انا صاحب كرامات ولا حاجة اسف بس اتمنى. اه. يا سلام -

[00:59:40](#)

انت قرئت طب معلى قبل ما اروح لاستاز نور اخيرا وسريعا آآ قرئت كمية بالتاكيد بتوصلك ده في كمية نكت على البوسترات وملصقات الشيخ حازم مصانع عربيات دلوقتي بتعمل عربيات خلاص عليها ملصقات الشيخ حازم جاهزة على الازاز الوراني. الكلام ده كله طبعا هو بالتاكيد. اولاً انا بحب النكت جدا. تمام - [01:00:00](#)

لأ والله يعني مش بس اسمحي لي هقول لحضرتك انت مش شايفة ان ده علامة تسر خاطر الانسان يعني وانا ضعيف فقير ليس لي اي شيه وما عنديش آآ يعني حاجة تشيلني لما احس ان ان في بيني وبين الناس عاطفة - [01:00:20](#)

لدرجة دي مش دي حاجة تخليني احس وبدون اي اسباب مش دي حاجة جميلة واحد مصانع بيعمل عربيات ويغلفها دايرين داير علشاني ده وانا ولا اعرفه والله ولا قابلته انا بقول لحضرتك ان دي نكتة او دعاة انتشرت يعني يعني على خلفية انه في الحقيقة ملصقات كثيرة ودعاية كثيرة في الشوارع - [01:00:40](#)

الشيخ حازم صلاح ابو اسماعيل او الاستاز حازم صلاح ابو اسماعيل. في ناس بتتساءل يعني مصادر تمويل حملتك من وانا اللي عاملها. مم. ما هو يا ريت ما هو بقول لحضرتك لو انا - [01:01:03](#)

تعاملها اكون سعيد بس كون ان انا اصحى الصبح الاقي الناس عاملة كده لازم اشعر ان انا يعني بقول يا رب لك الحمد فقري وضعفي ولا املك شيه والحمد لله ان ربنا سبحانه وتعالى مخلي - [01:01:13](#)

افئدة من الناس او قلوب تشعر ان في ثقة في حد دي حاجة هي دي انا في رأيي جائزة الافتقار ان الواحد ما عندهوش حاجة يعتمد الا الله سبحانه وتعالى هو حضرتك هتقدم ثاني لما تبقى رئيس جمهورية هتقدم ثاني في مجلس الشعب؟ مش هو اللي لما يبقى صاحب القرار الاول والاخير - [01:01:26](#)

يعني في مصر اللي اقامه كان استاز ممدوح اسماعيل واخدين وعندهم شهر كان الاستاز ممدوح اسماعيل. طيب استاز نور الدين محمد عندك بالتاكيد اسئلة يا ريت او يعني مختصرة وسريعة افضل. اولاً استاز حازم انا ارحب بك مرة ثانية - [01:01:46](#)

ثاني حاجة اه في بعض الناس متخوفة من سياسات اه واضحة من خلال الحوارات بتاعة حضرتك من ترهيب وترهيب واستعطاف واحتواء آآ دي العيانة دي اكثر انا جمعت عينة من الطلاب من آآ الجامعات افهم يعني. اه. يعني هم شايفين يعني الحملات بتاعتك الحملات المركزية برضه حملات اللي هي - [01:02:14](#)

للامركزية وعن طريق التحولات في الترهيب خاصة لطوائف آآ اخرى من اسمه دوت آآ تقف هناك زي اسم دوت الطائفة المسيحية او حاجة في عملية تغييب ودوت اكثر عينة اقدرت اجمعها. يعني عايز تقول ان انت قابلت طلاب مسيحيين عندهم خوف من -

[01:02:33](#)

في شيه اللي هي عملية التغيرب اللي هي مسلا عن طريق مسلا اللي هو آآ بعض الناس شايفين ان انت لما حضرتك تواجه المجلس العسكري او كذا دوت فيه اكبر بعض التيارات السياسية ان هم يقفوا مع سيادة حضرتك او بالشكل ده. آآ بس وسياسة الاحتواء ذكر كلمة نحن كثيرا في الخطابات التي تقولها عن طريق - [01:02:51](#)

نحن نحن طيب بعد ازنك ما بقاش معي وقت لكل ده انا اسفة والله يا استاز لما يجي لكم ان شاء الله في الجامعة اسألوا باقي الاسئلة ان شاء الله في جامعة القاهرة. كويس؟ هجاوب ده. بس انا عايز اقول لحضرتك انت لما تيجي تتكلم عن شعب مصر. مم. انت مش

انا. مم. هتقول ايه؟ هتقول احنا - [01:03:11](#)

مزبوط. طب ما انا بقول نحن دي نحن انت تقولها والاستازة نحن شعب مصر. احنا يا اخوانا شايفين كذا. لازم امال تحب اقول ايه ما لهاش يعني ما فيش بديل. ده نمرة واحد. ان هو ده الصح لما تحب تتكلم عن الشعب المصري. هم. تقول نحن احنا - [01:03:30](#)

علوم سياسية. اه. لازم او الاعلاميين يفسروا الخطاب الاعلامي ويتوع الطب النفسي ده تفسيرات انما في الحقيقة خاصة بتخوفات المسيحيين. سؤال سيء جدا لان ما فيش الكلام ده ده بيقول كلام لا وجود له. ارهاب ترهيب ايه؟ لا هو - [01:03:50](#)

الطلبة اللي عامة العينة العشوائية اللي انا واخذها اقول معلش استاز نور يمكن يمكن لانه في حوارات لحضرتك آآ كان فيها وكان حتى هنا مع زميلي عمرو الليسي كان الكلام - [01:04:10](#)

هو كرهنا لكل ما هو لكل دين غير الاسلام سواء كان سماوي ام غير سماوي يمكن الجزئية دي انا اعتقد اني اتكلمت مع ناس كتير وكان عندهم خوف من حضرتك - [01:04:20](#)

بعد ما سمعوا هذه لا يا فندم انا لا يمكن اقول هذا الكلام انا كلامي والحمد لله ان كله مسجل ويقدرنا يرجعوا له بضغط الزرار. هم. انا بتكلم ان الراء المتعارضة - [01:04:30](#)

والعقائد المتعارضة الشيء السقافي الطبيعي ان كل رأي ما بيحبش الرأي الثاني. مم. ده الطبيعي. لأ بس انا شفتها النهاردة اعدتها وشفتها يومها كانت الجزئية بتقول كل ما كل دين غير الاسلام ولكن لا اكراه في الدين. بالزبط. بالزبط. ولكن نحن نكره. بالزبط - [01:04:43](#)

ما هو انا لسة باكمل لحضرتك اهو. فانا كنت باتكلم عن الفرق بين الكراهية والاكراه كمعني مصطلح فبقول ان كون ان انت تكره العقيدة المخالفة او الرأي المخالف ده مش معناه انك تكره وده لا زلت مصمم على كده. هم. يعني مثلا بنكره كل دين غير الاسلام. والدين الاخر يكره كده. لان المسيحي - [01:05:03](#)

مثلا هو سيدنا عيسى عنده هو الرب هو الاله. لما يبجي يلاقيني انا بقول له عيسى ده ما هو الا عبد لازم يكره ده والا يبقى مش طبيعي. هم. طبيعي. فثقافيا دي مش حاجة مسلا دينية لأ دي حاجة ثقافية ان العقائد ترى انها - [01:05:28](#)

ضد بعض العقائد يعني ضد بعض. عشان كده كنت بقول له انه كون ان فيه اختلاف في العقائد يصل لدرجة ان كل واحد يكره الفكرة الاخرى. ده ده المتوسط الثقافي العالمي الطبيعي. انما كون بقى ان الكراهية دي تترجم - [01:05:47](#)

الى ان انا اكراه الشخص نفسه بمعنى اني احرمه حقوقه او ان انا اكراهه ما فيش كده خالص. مم. وانا لا زلت والا مش ممكن ابداء انت عارفة حضرتك المسيحي واليهودي شايف ان سيدنا عيسى بيقول عليه كلام سيء جدا عن سيدنا عيسى - [01:06:02](#)

فمش ممكن المسيحي ما يكرهش اليهودي. ولا يكره الديانة اليهودية. بيقول على السيدة مريم انها منحرفة. هم. واتت بعيسى من علاقة ائمة. لازم المسيح يكرهه. يكره هذا الكلام يمكن كلمة الكره يعني يعني مواطن مصري يسمع ان اخوه المواطن المصري بيكره دينه. لا تقال في الاعلام - [01:06:18](#)

بقى المستوى الثقافي لازم لو ده على اصوات المسيحيين لا يآثر او ما يأسرنا انا اقول الحق انا مش انا مش انا مش انا مش انا مش انا مش انا مش بضحك على الناس انا راجل واضح ده لازم نترقي ثقافيا بقى ازاى نترقي ثقافيا احنا مش مش هنخلي الناس - [01:06:38](#)

آآ يعني مش ممكن اخلي انا المسيحي يبقى مبسوط من اليهودي اللي بيقول ان السيدة مريم زانية. مش ممكن لازم يكره الكلام ده. مم. شيه طبيعي. فانا كنت عشان موضوع الكلام كان الكره والاكراه. باقول له ان تكره الفكر ليس معناه ان تكرهه. احنا يا فندم انا انا لازم ارتقي بالمستوى الثقافي لشعبي. ده - [01:06:58](#)

شيه طبيعي انما اخلي كل العالم برة بيقول كده كل العالم المتقدم والعالم الثالث هو بس هو اللي بيقول لا والله ما بنكرهش الافكار ايه ده! لا امريكا ولا اوربا ولا اليابان وكل الناس بهذه الصورة. تمام. فاحنا التخلف الثقافي اللي عندنا ما يحكمينيش ان انا اعرف اصدق الناس واصارحهم - [01:07:18](#)

والا هفضل من العالم الثالث. هم. ده انا لو كده ما تنتخبينيش لو سمحت لان يبقى باضحك على الناس. انا لازم ارتقي ثقافيا في هذا الشعب. تمام الشيخ محمد شكرا - [01:07:38](#)

الاستازة اه جيهان الغرابوي الكاتبة الصحفية وشكرا للسفير نصر مهدي شرفتونا. شكرا للسيد حازم صلاح ابو اسماعيل بالتوفيق ان شاء الله حضرتك وكل المرشحين وربنا يولي الاصلح لمصر ان شاء الله. بعد الفاصل اول الاول اسمحو لي ان انا لازم اعترز لحضراتكم لكل المشاهدين - [01:07:58](#)

اللي عفوا استجابوا لدعوتي ودخلوا على صفحتنا. وطرحوا اسئلتهم على السيد حازم صلاح ابو اسماعيل. انا اللي طلبت منكم ده. انا

بعذر لكم اعتذار شديد. لانه الحقيقة ما كنتش متخيلة انه الوقت لن يسمح رغم ان الوقت كان كثير ولكن ما تخيلتس ان الوقت لن يسمح بان الضيوف يتحدثوا والسيد حازم يرد وانه اخذ اسئلتكم انا اسفة جدا - [01:08:18](#)
ولكن آآ ان شاء الله في فرص ثانية يعني يكون في فرص اكبر لتلقي اسئلتكم - [01:08:38](#)